

præfectis humiliter indicatas, in quarum ara ante portam vasa sacra repleta collocata erant, sicut amor occupat eam ætatem, quæ pueritiam sequitur.

64. Ibi somnus, veluti amata, amantis desiderium cognoscere segnis, non nisi multa nocte appropinquavit oculis AJÆ, obtinere cupientis puellarum margaritam, ad cujus mariti electionem regum cœtus convenerat.

65. Illum, celebrato ingenio præditum, cujus humeros pingues aurium ornamenta attriverant, et cujus membrorum unguentum lecti stragulo detersum erat, mane cantorum filii, ipsi æquales, dulce canentes, voce sua e somno excitabant :

66. “ Aufugit nox, cordatorum decus, linque lectum! Nonne bifariam a
“ creatore divisum est mundi onus? Cujus alteram partem pater tuus gestat
“ insomnis, alteram portandi officium tuum est.

67. “ Luna etiam, qua LAKSHMIS, obliviscens desiderium tui, somno
“ oppressi, delectabatur, sicut mulier noctu a marito deserta, in cœli mar-
“ ginem vergens, amittit nitorem, ei similem, quo vultus tuus splendet.

68. “ Quare oculis tuis jucunde apertis duæ statim res similitudinem
“ nanciscantur, oculus tuus, in quo pupula hilaris movetur, et loti flos,
“ in quo apis volitat.

69. “ Ventus matutinus flaccidos arborum flores de pediculis aufert,
“ lotisque, per auroræ radios apertis, sese immiscet, ac si alienis virtutibus
“ sibi propriam reddere vellet odoris suavitatem, tui oris halitui innatam.

70. “ Aqua frigida, quæ cecidit in arborum gemmas, intus rubidas, lucida
“ sicut clarus unio in margaritarum corona, splendet summam præstantiam
“ nacta, sicut in labiis tuis jocosus risus, dentium nitorem monstrans.

71. “ Quoad sol, caloris plenus, non apparet, tenebræ statim aurora di-
“ persæ sunt: dum tu, fortissime, in primo pugnantium ordine incedis, num
“ pater tuus ipse hostes destruit?

72. “ Somno ab utroque latere decusso, stratum relinquunt elephanti tui,
“ garrulas catenas trahentes: quorum dentes, calicibus similes, tenero
“ auroræ splendore collustrati, resplendent velut æris vena in saxo fisso.

73. “ Equi illi *Vanáyuenses*, oculis loto similibus prædite, in longis tentoriis
“ religati, somno relicto, calido halitu maculant salis fossilis frusta, quæ
“ ante eos suspensa sunt.